

Ang **KARAPATAN** ng mga **BATA** ay may kaugnay na **RESPONSIBILIDAD** na sapat nilang gawin ayon sa kanilang kakayanan.

- Sumunod sa mga makatuwirang patakaran ng magulang at paaralan.
- Alamin kung kanino lalapit para humingi ng tulong lalo na kung inaabuso o pinagmamalupitan.
- Tumulong sa kapwa.



Ang Karapatan na ipahayag ang opinyon o saloobin ay may katambal na **Responsibilidad** na:

- Kilalanin na may tungkulin ang mga magulang na magdesisyon nang tama o angkop para sa kabutihan ng mga anak.
- Igalang ang mga miyembro ng pamilya. Pag-isipang mabuti at maging magalang sa pagbibigay ng opinyon.

Ang Karapatang mapaunlad ang mga kakayahan ay may katambal na **Responsibilidad** na:

- Pagpasok sa paaralan at paggalang sa ibat-ibang kultura at mabubuting tradisyon ng komunidad.
- Sumali sa gawaing panlibangan bilang bahagi ng araw sa paaralan.
- Tumulong sa pagbuo ng mapang-unawa, nagkakaisa at mapayapang kapaligiran.
- Matuto at itama ang mga pagkakamali.

Paano maitataguyod ng mga **MAGULANG** ang karapatan ng mga **BATA** para sa kanilang **PAG-UNLAD**?

**Sikapin na ang inyong mga anak ay may:**

- Masustansiyang pagkain at sapat na pahinga.
- Pagkakataong bumisita sa Barangay health center kapag may karamdaman.
- Malinis at ligtas na pamamahay at palaruan.
- Oras para sa pag-aaral at paglalaro.
- Kalayaan na magbigay ng sariling opinyon tungkol sa mga bagay-bagay na nakakaapekto sa kanila at sa kanilang kapaligiran.
- Pagkakataong lumahok sa mga gawain sa bahay, barangay o sumali sa mga organisasyong huhubog ng kanilang mga kakayahan.

*Kung batid mong may **BATANG INAABUSO** o **PINAGMAMALUPITAN** o may kagyat na pangangailangan, ipagbigay-alam ito sa inyong Council for the Protection of Children ng Barangay (BCPC) at Munisipyo (MCPC), DSWD, Guro, Day Care workers, Pulis, o NGO para magpatulong!*

**Paalala!**



# KARAPATAN NG MGA BATA



Balay Rehabilitation Center Inc.



Children's Legal Rights and Development Center (CLRDC)



DIGNITY DANISH INSTITUTE AGAINST TORTURE



This project is co-funded by the European Union

**Mahalaga sa Pagpapalaki at Pagkalinga sa mga Bata**

## Ano ba ang ibig sabihin ng **KARAPATAN?**

Ang **Karapatan** ay kalayaang magkaron ng mga bagay na kailangan para mabuhay nang may dignidad anuman ang kaniyang edad, lahi, kulay, kasarian, wika, relihiyon, paniniwalang pulitikal, o lipunang pinanggalingan.

### **KARAPATAN** ng mga **BATA**

Pinagpatibay ng **United Nations General Assembly** at nagkabisa ang **Convention on the Rights of the Child** noong September 2, 1990. 194 na bansa ang lumagda sa kasunduang ito.

Sa Pilipinas, ang sinumang may edad na mas mababa sa 18-taon ay itinuturing na mga bata; maging ang may edad na 18-taon pataas na may kapansanan sa isip at di kayang alagaan ang sarili ay maituturing din na bata.

Ang mga karapatang ito ang nagsisigro na ang bawat bata ay nabibigyan ng pagkakataong maabot ang kabuuan ng kanilang potensyal. Isa rin itong paraan upang maprotektahan sila sa lahat ng uri ng karahasan at pang-aabuso.

Sana ay merong nagmamahal sa akin.

Sabayang at gabayan mo naman ako sa aking pag-aaral.

Maawa po kayo! Tama na po ang pala! Hindi ko na po kaya!

Makakaapekto ba sa akin ang desisyon n'yo? Tanungin n'yo rin ako.

## MGA TEMA NG **KARAPATANG PAMBATA**

### 1 **Karapatang Mabuhay** Ang bata ay may karapatang mabuhay nang maayos. Karapatan nilang

- ✓ Maipanganak at mabuhay
- ✓ Mabigyan ng pangalan
- ✓ Maalagaan ng pamilya
- ✓ Maging malusog ang pangangatawan
- ✓ Magkamit ng masustansiyang pagkain at maayos na tirahan



### 2 **Karapatan sa Pag-unlad**

Ang bata ay may karapatang umunlad sa pisikal, emosyonal, sosyal, intelektwal, at espirital na aspeto.

- ✓ Karapatan niyang maglaro at maglibang, makipag-kaibigan, makapag-aral, umunlad ang kakayahan at lumusog ang katawan.
- ✓ Kung ang pag-unlad ng bata ay nahahadlangan ng kahirapan o ng kapansanan, responsibilidad ng gobyerno at komunidad na tulongan siya.

### 3 **Karapatang Maprotektahan**

- ✓ Karapatan sa katarungan.
- ✓ Karapatang maging Malaya at ligtas sa anumang uri ng karahasan.
- ✓ Karapatang mabuhay sa mapayapang lipunan.
- ✓ Makatanggap ng kalinga, proteksyon sa lahat ng uri ng karahasan at kapahamakan.
- ✓ Karapatang tumanggap ng gamot at serbisyong medikal.

